



Neformalna grupa građana „Za Čelik“

kontakt@zacelik.org - www.zacelik.org

MEMORANDUM O AKTIVNOSTIMA SANACIJE STANJA U NK ČELIK ZENICA

Strane potpisnice ovog Memoranduma žele riješiti nagomilane probleme u NK Čelik Zenica kao simbola Zenice i Zeničko-dobojskog kantona. Strane su saglasne kako su ove mjere i politički uvjetovane aktivnosti nužne kako bi se otpočeo proces spasa i oporavka ovog kluba te tako nastavila njegovati tradicija najvećeg, najpoznatijeg i najstarijeg aktivnog sportskog kolektiva u Zenici.

Ovaj memorandum o saradnji sklopljen je dana **15. septembra 2016.** god. u Zenici između:

- 1) *Stranke A-SDA (u daljem tekstu: Stranka) koju zastupa predsjednik Općinske organizacije A-SDA g. Safet Turković i*
- 2) *Neformalne grupe građana "Za Čelik" (u daljem tekstu: NGG "Za Čelik") koju zastupa član Robert Jonjić.*

Član 1.

Ovim dokumentom uređuje se načelni sporazum **Stranke** i **NGG "Za Čelik"** glede rješenja problema vezanih za NK Čelik Zenica.

Član 2.

Svrha zbog koje je potpisan ovaj memorandum i uspostavljena obostrana saradnja je spašavanje NK Čelik Zenica od dalje finansijske, sportske i organizacione regresije koja je zasnovana na sljedećoj premisi:

"S obzirom da vladajuća stranka SDA sa svojim koalicionim partnerima u toku trajanja svojih dosadašnjih mandata u Gradu Zenici nije pokazala volju niti sposobnost za rješavanje nagomilanih problema u NK Čelik Zenica dozvoljavajući netransparentno trošenje javnih sredstava građana Zenice i koristeći svoj utjecaj za miješanje u rad kluba protivno Zakonu o udruženjima i fondacijama FBiH, potrebno je izvršiti temeljitu depolitizaciju i reformu kluba kao jednog od najvećih simbola grada kroz ubrzane aktivnosti institucija Grada Zenice od strane svih trenutnih opozicionih stranaka nakon rezultata lokalnih izbora 2016. god."

Član 3.

Potpisnici se slažu da se Stranka obavezuje putem svog političkog djelovanja u punom kapacitetu djelovati po sljedećim tačkama:

- 1) depolitizacija rada NK Čelik Zenica,

- 2) finansijska i institucionalna podrška reprogramiranju poreskog duga NK Čelik Zenica u potpunom iznosu glavnice,
- 3) institucionalna podrška reprogramiranju duga NK Čelik Zenica prema javnim preduzećima Grada Zenice,
- 4) javna podrška usvajanju predloženog statuta po principu "1 član – 1 glas" i
- 5) finansijska i institucionalna podrška budućim razvojnim projektima NK Čelik Zenica, a pogotovo u oblasti infrastrukture i omladinskog sporta.

Stranka se obavezuje da će realizaciju navedenih zadataka otpočeti u najkraćem mogućem roku po ulasku u strukture Grada Zenice.

Član 4.

Potpisnici se slažu da NGG „Za Čelik“ i UG „Robijaši 1988“ Zenica neće poticati građane da svoje glasove dodijele ijednom političkom subjektu, uključujući Stranku potpisnicu memoranduma već da će voditi kampanju usmjerenu ka većoj izlaznosti na lokalne izbore i glasanja protiv stranaka koje su trenutno na vlasti.

NGG „Za Čelik“ će ovom vrstom aktivizma građanima Zenice ponuditi alternativu na političkoj sceni na predstojećim lokalnim izborima koja je spremna raditi na rješavanju problema dok na samim glasačima ostaje kome će dodijeliti svoj glas.

Član 5.

Potpisnici se slažu da će se Stranka zalagati za realizaciju tačaka iz člana 3. ovog dokumenta putem svih raspoloživih vlastitih i koalicionihi kapaciteta u Gradskom vijeću Grada Zenice, odnosno sa pozicije Gradonačelnika Zenice, kao i viših nivoa vlasti ukoliko je to potrebno, bez obzira na konačni izborni rezultat i činjenicu da li će se Stranka nalaziti u vladajućoj koaliciji ili opoziciji.

Član 6.

Stranka preuzima punu političku i moralnu odgovornost za nepostupanje po datim obećanjima prema Građanima Zenice.

Za Stranku

Za NGG „Za Čelik“

